

MolyMag Havaak Naetomik Okaoheoyok

MMG Resources-kon Timeoyok nalvakheoktin oyagakheoktilo havakveoyok. MolyMag Havaak oyagaktakvikhamik nalvakheoktin havivaloknik nunam ilonin aomanin 30 kilametamik ogahiknikaktok kivalikheani High Lake-min Oyagaktakvikhamin. Havaak Kitikmeonetok Nunavumi, 550 kilametamik ugahiknikaktok tunungani kivalikheani Yalonaem, Nunateami. Kaninikhak inukaktok nuna Kugluktuk, 175 kilametamik ugahiknikaktok oalikheani tununganivyak havakveoyum. Havakveoyok 75 kilametamik ugahiknikaktok hivugaani Takyoata Aheam Kelinguyavlo. MolyMag havaam nunagiyata kagani takunaktun kanoyavaloen, havivaloelo kivliktulo 25-lo oyagaktakvikhan 25,975 hikteoyunik aginikaktun. MolyMag havaak 40 kilametamik ugahiknikaktok hivugaata kivalikheani High Lake-min oyagaktakvikmin atoktaoyumilo High Lake-mi Iglukpakakvikmin. High Lake-mi Iglukpakakvik ugahikpalakman MolyMag havaamin hitiyumun ikutageagani havaagugeakloni.

Iglukpakakveoyomayok kaganeneaktok kimeakyum hivugani hinata James River-m Kukam Inoelo Nanminik Nunagiyaneneaktok Ilagani BB-68. Iglukpakakvik pihimayok kinitoanenigagun ikutakvikhan nunan, kahaknigagulo imavaloen atoktukhan iglukpakakvikmi tikmeakulo milvigenalaknigagun.

Iglukpakakvik kulinik 12-nun tupiakneaktok kalikunik 30-niklo inukalakloni. Iglukpakakvik igavikakneakto tamayakakveoyuniklo kitunilikaa tupikni. Iglukpakakvik hiniktakveoneaktok nalvakheoktunin hitiyunun ikutakveolotiklo, nunalo kanoginigagun naonaeyaelotik nunaoyaleoklotiklo. Tikitaolaktok iglukpakakvik tikmeakun kayakaktokun akhaloaliknulun, milaknikata kimeakyukmi. Hanikaptakakneaktok talvani akyaktukhamik manikamun havkatunik ikutaniklo nutigiyukhamik ahinun nunanun.

Nalvakheokveoyumayok 2010-mi ukeomi manikameotilogin ilakaktok 3-taosan metamik hitiyunun ikutakveolotik, tikmeakun manigaenakmilo nunanik naonaeyaeneaktun (nipitkaktaotikaknikatalunen oyakan, koakhalagutaolaktoniklunen pikaknikata avugeakatalunen kanogileolaknikata oyagaktaan), nunaoyaleoklotiklo. Namateaknikata naonaeyagean, kigoagun manikami havalikmigumik ilitokhaevaaligeakneaktun ikutakhimageaklotiklo.